



UNIVERSITÄTS-
BIBLIOTHEK
PADERBORN

Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Sect. 2. Quâ Ætate mortuus Divus Iosephus?

urn:nbn:de:hbz:466:1-38500

set Christo, cùm nullam Evangelistæ faciant ipsius mentionem in totâ historiâ Passionis, fecerint autem tot aliorum, nec appearat cur eum potius quām tot alios tacuerint si adfuisse, videretur potius concludendum contrarium contra Divum Iosephum, quod scilicet non adfuerit Christo patienti: sicq; sequeretur quod ipse Ios. inter omnes, Christum tunc defruiisset: quod vel cogitare impium, imò insanum, quomodo enim is qui eo perditu ita anxius fuit, & cum tanto dolore requisivit, postquam tot annis in ejus schola & convictru profecisse debuerat ad mortem pro suâ omniumque salute properantem deservisser, quem mulieres in ejus scholâ novitæ, & ipse Ioannes ejus Discipulus solùm hesternus secutus sunt, & cui in Cruce morienti adfiterunt? Itaque melius nos concludimus pro nostrâ sententiâ, quod Crucis cum reliquis non adfiterit, quandoquidem hujus nullam fecerint Evangelistæ mentionem. Atque adeò quod tunc pro certò mortuus erat, alias enim adfitteret.

Nec deerit hic Flos Auteolæ Divi Iosephi, si dicamus ipsum esse mortuum ante Christum Filium suum: non enim ille ut alii, unâ vel alterâ horâ corpore Christo patienti adfiterit, & ejus suppliciis, penis, ac doloribus participavit, sed a Christo nato usque ad mortem suam, maximè verò à Circumcisione, quando imponendo ei nomen JESU, cuius significationem ex Dei revelatione penetravit, eum morti, per quam Jesus in effectu futurus erat, idest Salvator Mundi, adjudicavit, & quasi in Coecesis Decreti executionem cum circumcidendo, primas ipsi sanguinis guttas elicuit, ut diximus supra.

Sunt alii flores iisque selectissimi qui in nostrâ sententiâ eidem Divi Iosephi Serto innectuntur, necessariò ab eo detrahendi in illorum sententiâ qui dicunt Christo supervixisse. Nam si Christo supervixit, ergo non fuit unus ex illis Sanctis, quorum corpora resurgente Christo resurrexerunt, & apparuerunt multis, Matthæi cap. 7. vers. 52. & 53. Ergo abolutè

non resurrexit, unde enim hoc probaretur.

SECTIO II.

Quâ Ætate mortuus est Divus Iosephus?

Quo Ætatis suæ anno vitam hanc XXVII. mortalem finierit Divus Iosephus, magnum apud Evangelistas, Santos Patres, alioque Historicos, & Autores altumque silentium, hinc difficultas hanc quæstionem dirimendi. Sed res hæc est valde exigui momenti. Quid enim refert an quis plenus diecum mortuus fuerit, modo fuerit plenus meritorum? Senectus enim (inquit Sapiens Sapient. cap. 4.) venerabilis est non diurna, neque annorum numero computata: Cani autem sunt sensus hominis, & etas senectutis vita immaculata. Tum deinde idem. Placens Deo factus est dilectus, & consummatus in brevi explevit tempora multa. Quæ cùm ita sint; paucis rem hanc absolvemus.

Qui volunt Divum Iosephum quāndo duxit Virginem fuisse octogenarium, coque majorem, & mortuum non diu post annum Christi duodecimum, ut Divus Epiphanius Sectione præcedenti, & alii dicunt fuisse nonagenario majorem, alii ferè centenarium quando mortuus est: Qui verò cum fuisse senem dum Virgini conjugatus est ad removendum violatæ inter illos integritatis suspicionem, & tamen vixisse usque ad Christi manifestationem, quæ fuit circa annum ejus trigeminum, necesse est eum facient centenarium aut eo majorem.

Sed cùm harum exoticarum opinionum fundamentum, sit illa provecta senectus, quam fingunt in Divo Iosepho antequam conjungeretur Virginis. Deipara intemerata, ad removendum inter eos labefactata virginitatis suspicionem, fundamentum verò illud sit nullum, ut constat ex dictis supra Patre 2. Tractat. 1. cap. 14. tuunt consequenter præfatæ duæ opiniones ei superædificare.

Sed quid nos in tantâ caligine ob Scripturæ, Patrum, Authorum cùd de

Pp 2

re

re silentium? Dico probabile esse mortuum circa annum vitæ suæ septuagesimum, Probatur ex suppuratione Augustini Tornielli, qui assertit ipsum natum Imperii Octavianii Augusti anno secundo. Atqui Christus juxta magis receptam in Ecclesia opinionem, & propterea à Gregorio Papa XIII. approbatam, & Martyrio Romano, quo solo utitur in Officio Divino Ecclesia' insertam, natus est ejusdem Imperii anno quadragesimo secundo: ergo tunc Divus Iosephus erat quadraginta circiter annorum. Iam vero manifestatio Christi ad homines / circa quod tempus ex dictis Sectione praecedenti mortuus est Divus Josephus) ccepit ab ejus Baptismo, & dum baptizatus est Jesus erat incipiens quasi annorum triginta Lucæ cap. 3. Ergo Divus Josephus mortuus est circa annum ætatis suæ septuagesimum.

XXXI. Probatur secundò hoc nostrum assertum ex iis quæ diximus supra Parte 2: Tract. 1. de Ætate Divi Iosephi quando duxit Virginem uxorem, quibus fulcitur opinio Tornielli: Ex dictis enim ibi, & his quæ hoc Capite Sectione praecedenti probavimus de tempore quando mortuus est Divus Iosephus, colligitur satis clare cum abiisse ex vivis circa septuagesimum vitæ annum, circum circa.

XXXII. Confirmatur, quia cum magnâ probabilitate & valde rationabiliter dici potest de Divo Iosepho, ut Christi Patre, quod compleverit dies vitæ hominis ordinarios, ut scilicet possit dici plenus dierum & meritorum. Sed dies vitæ hominis ordinatii sunt septuaginta anni, id est circum circa juxta Regium Prophetam Psal. 89. *Dies annorum nostrorum in ipsis septuaginta anni, si autem in potentibus octoginta anni, & amplius eorum labor & dolor.* Nec appetat ratio cur Deus qui ponit vitæ terminos, vel ab illis retraxisset, vel ad illos addidisset pro Patre suo, maximè quod circa eandem etiam ætatem mortua communiter censeatur Deipara; sint autem rationes cur nec citius quia Christo fuit necessarius usque ad trigesimum nec etiam ultrà vivere debuerit. Vide dicta Sectione praeced. num. 20. ergo huic potius Sententiae

standum quam aliis.

Ad finem hujus capituli duo moneda habeo: Primum, mortuus est Divus Iosephus homo tantus, sicut & alii omnes: Considereremus ergo & hoc felicem benè apprehendamus nos quoque morituros. Nihil ad vitam christianam rectè peragendam utilius, iustius nihil, mortis memoriam. Propterea & illam nobis Deus frequenter objectat, & è contra dæmon oblivionem ejus maximè curat. Hinc ne Adam peccaret dixit ei Deus Genes. cap. 2. *In quacumque die comederas ex eo, morte morieris, dæmon vero è contra, nequaquam morietur.* Genes. cap. 3.

Quod primis parentibus hoc dñm iuadere potuit non adeò mirandum; hi enim needum mortem videant. At vero nobis, qui quotidie illam in aliis videmus, & nos ipso ad illam appropinquare sentimins, deficiens sensim corporis viribus, quo pacto idem suadere potest: suaderemus, & quomodo primos parentes, ita filios decipiunt, sed alio modo: illi enim, qui nullam mortis habebant experientiam, omnino suscit illud, nequaquam moriemini. Nobis vero, quibus propter rei evidentiam id suadere non potest, aliter suadet: suader enim quod hodie non morieris, quod hoc anno vives, sequenti die & anno idem, & sic in posterum, quod simul & lemingerere nequit, in partes divisim deglutire facit, & sic semper ita vivis, ac si nunquam moriturus.

Secundò, monendi sunt incerti, qui sub prætextu quod dies vitæ hominis ordinatii sunt, ut diximus ex Regio Prophetâ, septuaginta anni (quos ideò dedimus Divo Iosepho) eos fibi promittunt non attendentes quanti sint juvenes qui putabant se diu posse vivere quibus contigit, quod non cogitarunt, citò mori: qui dum adhuc ordirentur succisi sunt, præcisâ scilicet à Deo velut à texente corum vitâ.

CAPUT